

gnerus in Specimine Hierolexici in vetustestamentum Hebræo Chal-
deop. 1. &c. נִרְבֵּי Rabbini pingvem, item sanum denotat, quod pingves plerumque se bene habeant, & illi optime valere credantur. Sic נִרְבֵּי iisdem dicitur sanitas, quandoque pingvedo.

Præterea Deus pro sacrificiis renuens macilenta pingvia poscit bruta; Imò quod majus est, etiam caudas animalium pingves Alja dictas, nec ita Zanab, minus pingves recipi jussit Deus pro sacrificiis, veluti ad loca quædam veteris fœderis commentatur lingvarum orientalium peritiâ insignis *Jobus Ludolphus in histor. Æthiop. l. 1. c. 10. §. 14.* Non rarò è contrariò maledictionis, execrationis, pernicipis, incantationis & interitus notam præbet macies. Sic superstitionis ritus etiamnum hodie inter plebejos obtinet. si sermo vel laus occurrit de brutis, imprimis eorum pullis pingvibus & placitis, item de lætè virente segete, vel vegeto vegetabilium statu, addunt communiter: ut præfiscini, vel citra invidiam aut incantationem id pronuntiem vel laudem; Germanica verba nota sunt: Gott behüte es/ daß ichs nicht beschreie oder beruffe/ daß ichs zur guten Stunde rede; Traditio enim supersticiosa est, quod pingvia ejusmodi, & tenella imprimis facilè laude prolata sine ejusmodi voto, tabescere possint, de quo in dissertatione nostra alioque in loco proximè plura dabimus. Inter Germanos vulgo admodum familiaris etiam est indignationis vel contemptus sequens nota, quando rem vilem, ingratham & rejiculam exprimere intendit, ut hanc reddat vel appellet Das dürre Ding. Maciem quoque Deus non semel in sacris afflictionis vel pœnæ loco minatur, quæ omnia pingvedinis æstimum amplificant. Reputarunt itidem olim pingvem corporis habitum inter pulchritudinis notas; veluti etiam macilentas virgines à Romanis spretas fuisse ostendit *Guevarra in horolog. princip. cap. 12. §. 38.* Propter simile æstimum obesarum virginum (non ubivis tamen tanti existimatarum) huc traheamus verba *Petr. Forest. lib. 13. obs. 11. p. 62.* Puellæ, ait, apud venetos cum matrimonio copulandæ sunt, lautè admodum tractantur, ut habiliores fiant; utuntur triticò nutritò cum lacte:
lon-